

Broj: 01-1689/21
Mostar, 10.09.2021. godine

Na osnovu člana 20. Statuta Operatora za OIEiEK („Službene novine Federacije BiH”, broj: 89/20), na prijedlog v.d. direktora, Upravni odbor Operatora za OIEiEK, na drugoj sjednici, održanoj 10.09.2021. godine donosi:

ODLUKU

Član 1.

Podnosioci zahtjeva, koji su u 2021. godini podnijeli zahtjev, po kojem je Operator za OIEiEK donio Zaključak, kojim se predmetni zahtjev odbacuje, jer nema uslova za pokretanje upravnog postupka, imaju pravo na povrat uplaćene jednokratne administrativne naknade za obradu zahtjeva.

Član 2.

Povrat uplaćene jednokratne administrativne naknade za obradu zahtjeva podnosiocima zahtjeva iz člana 1. ove Odluke vrši se na njihov pismeni zahtjev.

Član 3.

Ova Odluka stupa na snagu danom donošenja i objavljuje se na internet stranici Operatora za OIEiEK.

Obrazloženje

Članom 4. Zakona o korištenju obnovljivih izvora energije i efikasne kogeneracije („Službene novine Federacije BiH” br. 70/13 i 5/14) propisano je da se nacionalni ciljevi u pogledu udjela energije iz OIE u ukupnoj finalnoj potrošnji energije u Bosni i Hercegovini, u periodu do 2020. godine, utvrđuju Nacionalnim akcionim planom korištenja obnovljivih izvora energije Bosne i Hercegovine, čiji je sastavni dio Akcioni plan Federacije BiH za korištenje obnovljivih izvora energije (APOEF). Član 5. Zakona o korištenju obnovljivih izvora energije i efikasne kogeneracije propisuje da se APOEF usklađuje s elektroenergetskom strategijom Federacije BiH i da se istim, između ostalog, definišu dinamičke kvote. APOEF („Službene novine Federacije BiH”, br. 48/14, 70/14 i 94/18) propisuje dinamičke kvote do 2020. godine, tj. maksimalni nivo instalisane snage postrojenja OIEiEK za svaki primarni izvor, čija se proizvodnja električne energije potiče. Dinamičke kvote za 2021. godinu nisu propisane, niti je propisano da će se iste za taj period i propisati.


Uzimajući u obzir da je APOEF definisao dinamičke kvote do 2020. godine, a podnosioci zahtjeva u 2021. godini i dalje podnose zahtjeve za sticanje statusa potencijalnog privilegovanog proizvođača i privilegovanog proizvođača iako u 2021. godini nema uslova za pokretanje upravnog postupka, Operator za OIEiEK po takvim zahtjevima, u skladu sa članom 123. stav (2) Zakona o upravnom postupku („Službene novine Federacije BiH”, br. 2/98 i 48/99) donosi Zaključak, kojim se predmetni zahtjevi odbacuju, jer su se odredbe zakonskog propisa za postupanje po zahtjevu mogle primjenjivati do kraja 2020. godine, odnosno bez postojanja dinamičkih kvota ne može se postupati po predmetnim zahtjevima.

Obaveza uplate administrativne naknade nastaje u trenutku pokretanja upravnog postupka. U slučajevima iz člana 1. ove Odluke Operator za OIEiEK nije poduzeo radnje koje se odnose na vođenje upravnog postupka, jer nema uslova za pokretanje istog. Stoga, podnosioci iz tačke 1. ove Odluke, koji podnesu zahtjev za povrat uplaćene jednokratne administrativne naknade za obradu zahtjeva, imaju pravo na povrat uplaćene administrativne naknade.

Na osnovu prednjeg, odlučeno je kao u dispozitivu ove odluke.

Dostaviti:

- Oglasna ploča
- a/a



Predsjednik


Erano Glavaš